

Evelyn Wever-Croes

## Ministro Sevinger mester wordo persigui



ORANJESTAD (AAN): Lider di MEP Evelyn Wever-Croes a reacciona riba Benny Sevinger cu awor a admiti di a parti tereno pa loco, y contra ley.

Awor, despues di 7 aña cu e ta minister, el a bisa cu e no ta di acuerdo cu e ley di ROP y proteccion di medio ambiente, y pesey e no ta tene su mes na e ley. Pesey minister Sevinger a regala cantidad di terno na esnan mas cerca di dje. Especialmente

su campañadornan cu a haya miles y miles di kilometer cuadra di tereno hopi valioso na Aruba.

E caso cu a hala atencion ta e caso di construccion den cercania di Bubali Plas, den cual hues a ordena gobierno pa NO otorga e tereno pasobra e ta den un area berde. Cu esaki minister Benny Sevinger a perde mas di 10 caso den poco tempo, cada biaha hues ta bati riba su dede. Pero locual ta mas serio den e caso

aki, ta cu minister Sevinger a laga sa cu e no ta di acuerdo cu Bubali Plas mester ta area berde! Segun Benny Sevinger tin suficiente area berde na Aruba caba y pesey Bubali Plas no mester wordo protehi. Ademas, segun Benny Sevinger, no ta naturalesa a forma Bubali Plas, ta hende a traha Bubali Plas.

Napromelugare expresionnan aki ta muestra di un persona sin gevoel pa naturalesa, y na di dos lugar, un minister di un gobierno cu a manda nos pais bancarota pa promove energia "berde" un expresion asina ta masha contradictorio.

Cu e expresion di Sevinger, cu e sa masha bon cu el'a faya, y asina a actua contra ley, e caminda ta hanchu habri pa Ministerio Publico cuminsa investig'e y persigui'e. Un minister cu ta trapa ley, mester wordo castiga. Especialmente si e minister mes tabata tin den su poder pa cambia e ley, pero pa 7 aña largo NO a traha riba e cambio di ley. Ta deliberadamente minister Benny Sevinger ta viola ley. Minister Presidente Mike Eman ta completamente na

altura di tur esaki, pero no ta tuma accion. Mike Eman a perde tur clase di autoridad y respet den pueblo, tur hende ta realisa cu e ta un fracaso como lider, pasobra e ta permiti tur haci kico cu ta, y e ta aprob'e, basta cu e keda na poder.

"Pa nos esaki a bira dimas. Nos fraccion ya desde 18 januari 2016 a pidi un reunion publico cu minister Benny Sevinger pa atende e violacion di ley y e mal maneho di minister Benny Sevinger. Lamentablemente te dia di awe e reunion no a worde yama. Nos lo insisti cerca presidente di Parlamento pa yama e reunion aki cu urgencia, pasobra e minister mester wordo responsabilisa pa tanto violacion. Y si

parlamentarionan di AVP sigui scohe pa protehe minister Benny Sevinger y pa sigui sconde su bagamunderianan, lamentablemente pueblo di Aruba lo tin cu warda un poco mas, te otro aña despues di eleccion pasobra na momento cu MEP drenta gobierno, minister Benny Sevinger lo wordo investiga y persigui cu tur forza di ley pa tur e corrupcion cu el a haci su mes culpable na dje. Y un consejo ta bay na hefenan di departamento pa nan no ta complice den e corrupcionnan aki. Aruba merece mihor, Aruba merece un gobierno mucho mihor cu esun di gabinete Mike Eman", lider di MEP Evelyn Wever-Croes a duna di conose.

## AUCTION

ex. 3:268 Civil Code of Aruba

THURSDAY AUGUST 25, 2016

On Thursday August 25, 2016, at 11 AM, at the Conference Room of the Chamber of Commerce of Aruba, Itrausquin Boulevard 10, Aruba, will be auctioned in public:

1. A residential house locally known as

### PICARON 8-W

standing on a parcel of full property land, ca. 272 m2 in size, situated at Picaron in Aruba, being part of "Park Picaron", as further described in measure document CSCS 105-2004 dated Oktober 22, 2004, being a part of the parcel locally recorded as Third Division Section D number 1048.

2. A residential house locally known as

### DE VUYST 113

standing on a parcel of public land, 610 m2 in size, situated in San Nicolas in Aruba, as further described in cadastral measure document no. 5 M 301/1998. The lease rights expire on August 7, 2059.

- No reserve price will be used for the auction of the above mentioned properties. Only serious offers will be considered.
- A 1% commission will be paid over the highest bid in the first round of the auction, if the property will be sold at the auction.
- Seller has the right to not accept any bid, at its sole discretion.
- A private written bid can be submitted at said office until August 10, 2016, 5 PM.

Auction notary: T.R. Johnson LL.M.

## Remitido

## Falta di respet, origen di decadencia

E acontecimentonan di ultimo dianan a laga nos comunidad den "shock". Hamas y nunca nos por a biba pensa cu e cosnan mahos aki lo por a tumu lugar riba nos isla. Naturalmente mester por tin culpabel di e deterioro aki, y nos ta haci pura pa busk'e pa asina nos laba nos man manera Poncio Pilato. Ta e mayornan, ta e maestronan, ta e gobernantenan?

O ta e impresarionan cu ta doñonan di e tantisimo bar y nightclubnan? Ke hubo di asina yama "social media", prensa, radio y television? Tur e posibel culpabelnan tin un "divisor comun" y esey ta e falta di respet pa cu otro. Den tur e balornan bunita cu cual nos antepasadonan forma e pueblo Arubano, ta respet ta esun mas esencial pa forma nos caracter. Respet pa nos Creador y pa Su Creacionnan, respet pa nos mayornan, respet pa nos lidernan spiritual y politico! Laga nos cuminsa cu nos mes y puntra si nos tin respet pa nos mes,

E obra maestra di nos Creador, Kende a crea nos como Su imagen y semehansa. Nos ta considera nos culpa como tempel di Señor? Ora

nos mira e manera scandaloso di bisti, di balia y e uso di un language vulgar nos ta puntra: na unda respet a keda? Nos tin respet pa nos mes ora cu nos ta laga alcohol y droga conberti nos den un ser humano degenera? Respet ta distingui nos for di animal. Ta pa esey cada comunidad tin su regla y su leyman pa sigura e respet cu nos cada uno debe otro.

Tur dia nos por constata awor cu e respet ta desapareciendo. Yiunan cu ta lanta contra y ta maltrata mayornan ta noticia di tur dia. Violencia domestico a bira custumber. Maltrato fisico y mental ta yena e paginan di corant. Malinterpretacion di expresion di idea o pensamiento di un otro ta falta di respet pa e derecho di e otro, locual tin hopi biaha un consecuencia hopi tristo.

Abo como e causante di tur e dolor aki por biba cu e consecuencia? Na unda respet pa voz di Dios a keda ora gremionan ta haci mofa di Su diez Mandamentonan? Mentira calumnia, difamacion y persecucion ta ehempelnan negativo cu ta laganan marca den e hubentud y ta duna como resultado un hubentud

bruha, desorienta, cu no sa den ken y den kico e kere. E ta busca e contesta den accion brutal y violento den falta di respet pa su mayornan, pa su maestronan y pa autoridad.

Mayornan y hubentud di awendia bou di un presion enorme di propaganda via corant, radio, television y internet, pintando tur cos facil y bunita como sifuera cu ta cu un barita magico bo tin tur cos na bo alcance, y no cu trabou honesto. Emayornan ta drif den e turbulencia di e presion aki. Nan ta prepara pa esaki? Tin programanan y projectionan pa asisti nan? Instancianan concerni ta realiza e envergadura di nan responsabilidad? Laga nos realiza bon cu ta conhuntamente nos por logra. Ban duna respet, e garantia pa paz y progreso. Ban salba ARUBA pa nos YIUNAN. Dunando respet cu pa otro nos ta logra! Si nos tin e boluntad nos por logra hopi!!

Digna M Lacle.

Telefonnan di DIARIO  
Tel: 582 2239  
Fax: 582 8551